

<p>Phil Zuckerman, sociolog s Pitzer Collegea, radio je globalnu anketu, intervjuirajući i proučavajući odgovore ateista, agnostika, ljudi koji nisu vjerovali u Boga ili su izjavili da nemaju nikakvu religijsku pripadnost. Rezultati istraživanja objavljeni su u naučnom radu: *Atheism: Contemporary Rates and Patterns* u sklopu djela 'The Cambridge Companion to Atheism' (Michael Martin, Cambridge University Press: Cambridge, UK, 2005).

Ispitujući različite pokazatelje društvenog zdravlja, Zuckerman je zaključio: *Pitanje stope samoubistva ukazuje na to da je ono jedan pokazatelj društvenog zdravlja po kojem su religiozne nacije daleko ispred sekularnih. Prema izvještaju Svjetske zdravstvene organizacije iz 2003. godine o međunarodnim stopama samoubistva među muškarcima (istraživanje provedeno u stotinu zemalja), prvih deset mjesta (izuzev Sri Lanke) pripalo je jakim sekularnim nacijama s visokim nivoima ateizma. Zanimljivo je primijetiti da su tih devet zemalja koje se nalaze na vrhu liste sve bivše komunističke zemlje, bivše članice SSSR-a, poput Bjelorusije, Ukrajine i Latvije. Deset zemalja s dna liste s niskim procentima samoubistava su sve visoko religiozne zemlje s statistički neznatnim nivoima organskog ateizma.*

(Izvor: <http://www.adherents.com>)

Došli su rezultati došlo i istraživanje objavljeno u izdanju naučnog časopisa *American Journal of Psychiatry* iz 2004.: *Religijski neopredijeljeni pojedinci su imali znatno više pokušaja samoubistva u toku života te više bliskih rođaka koji su počinili samoubistvo nego subjekti koji su ispoljili religijsku pripadnost. Neopredijeljeni ispitanici bili su mlađi, rjeđe su stupali u bračne veze, rjeđe imali djecu i slabije kontakte s članovima porodice. Nadalje, ispitanici bez religijskog opredjeljenja percipirali su manje razloga za nastavak života, posebice manje moralnih primjedbi na čin samoubistva. Po pitanju kliničkih karakteristika, religijski neopredijeljeni pojedinci bili su impulsivniji, agresivniji, i skloniji zloupotrebi opojnih supstanci. Nisu ustanovljene razlike u pogledu nivoa subjektivne i objektivne depresije, beznađa ili stresnih životnih događaja.*